

Cartulaire de l'Abbaye de Redon en Bretagne: [832–1124], Nr. 75

Mundi termino adpropinquante, ruinis crebrescentibus, iam certa signa manifestantur, idcirco ego, Donatus, et uxor mea Maria, et filii mei Ledinfredus et Genarius et Armeinbertus, dedimus Sancto Salvatori rotonensi et monachis servientibus, iuctum unum vine, situm in pago Namnetico, in villa nuncupante Coniuda, in campo qui dicitur Longo, pro vita aeterna et pro regno Dei, sine censu et sine tributo ulli homini nisi Sancto Salvatori et suis monachis. Facta est haec donatio in villa Kaer, in manu Leuhemel prepositus, .XVI. kal. mar.; et postea, tercia die, .XIIIIn. kal. mart. venerunt filii Donati ante aecclesiam Vilaria et iterum donaverunt ac firmaverunt et bonos ac nobiles viros firmare rogaverunt; haec sunt nomina qui firmaverunt: Arduc, diaconus; Aldo, clericus; Runhert, Iunam, Arnbert, Gennai, Gunmar, Haldric, Roinsil.